

四庫全書

集部

欽定四庫全書

集部

御定歷代題畫詩類卷三十五至

詳校官刑部侍郎<sup>臣</sup>李封

主事銜<sup>臣</sup>徐以坤覆勘

總校官降調編修<sup>臣</sup>倉聖脈

校對官編修<sup>臣</sup>吳錫麒

膠錄監生<sup>臣</sup>鄭嶠

欽定四庫全書

御定歷代題畫詩類卷三十五目錄

故實類

射虎圖

明楊慎

題李廣利伐宛圖

明宋濂

李陵縣軍遇敵圖

元陳泰

武帝問日碑圖

宋劉子革

題蘇武忠節圖

宋文天祥三首

跋蘇武持節圖

元王惲三首

蘇武牧羊抱雛圖

元袁桷

題蘇武牧羊圖

元鄭元祐

題蘇武牧羊圖

元楊維禎

蘇武持節圖

元劉詵

題蘇子卿牧羊圖

明劉炳

屬國冬牧圖

明程敏政

題趙子昂蘇武牧羊圖

明謝復

牧羊圖

明李麟

蘇李會合圖

元范梈

題李陵宴蘇武圖

明劉誥二首

題李陵見蘇武圖

明劉基

蘇李泣別圖

宋劉克莊

題蘇李泣別圖

元戴表元二首

蘇李圖

元戴表元

蘇李相別圖

元程鉅夫

蘇李河梁圖

元束皙

和謝敬德學士題蘇武泣別圖韻

元許有壬二首

蘇李泣別圖

元陳樵

蘇李泣別圖

明高啓

題李陵蘇武泣別圖

明錫炳

李陵泣別圖

明袁凱

子卿泣別圖

明康海

題蘇李泣別圖

明左國璣

子卿歸漢圖

金趙東文

蘇武歸朝圖

明丘濬

霍光取璽圖

宋劉子翬

丙相問牛圖

元王惲二首

丙吉問牛圖

元許有壬

丙吉問牛圖

元虞集

分韻賦二疏供帳圖

元吳師道

跋東門祖道圖

元王惲二首

題張敞畫眉

元劉詵

張敞畫眉圖

元年嶽

漢成帝幸張禹第宅圖

元王惲

題嚴陵獨釣圖

元揭傒斯

子陵釣圖

元周權

子陵垂釣圖

明魏倅

題無訟堂屏上袁安臥雪圖

宋楊萬里

題袁安臥雪圖

元王惲三首



題素安臥雪圖

元陶宗儀

題李唐畫素安臥雪圖

明張羽

素安臥雪

明王越

合紙屏為小閣畫臥素訪戴其上名之曰聽雪各

與長句

宋方岳

題絳帳圖

宋韓駒

却金圖

明廖道南

梁父吟扇頭

元元好問

諸葛春耕圖

明程敏政

題劉先主三顧草廬圖

明王阜

三顧草廬圖

明唐寅

題孔明出師表圖

明李堅

御定歷代題畫詩類卷三十五目錄

欽定四庫全書

御定歷代題畫詩類卷三十五

故實類

射虎圖

明

楊慎

錢選好手工白描粉墨丹青色沮喪細觀逸跡迥不俗  
氣骨深穩形蕭放中丞此圖開似我行行遊獵極殊狀  
漢家昔日李將軍生射猛獸天下聞彎弓半夜沒白羽  
飛鞚晴晝生黃雲今之圖畫無乃是披卷似覺陰風起

積雪慘澹長白山草木蒼乾松漠間將軍身乘大宛馬  
從騎亦是驍勇者合圍射虎虎帶箭相持不肯遽相下  
虎鬪馬驟兩若飛咆吼欲震長平瓦東海黃公魯卞莊  
裴旻舞劍相頡頏古來英英者數子繪事簡策傳芬芳  
何物少陵愁杜甫短衣南山思射虎老驥伏櫪悲鳴苦  
壯士哀歌淚如雨天狼煌芒直威弧安得此輩西滅胡  
却走馬蹄報神都為獻單于款塞圖

題李廣利伐宛圖

明

宋濂

貳師城頭沙浩浩貳師城下多白草  
六千鐵騎隨將軍風勁馬鳴高入雲  
師行千里不畏苦戰士難教食黃土  
上書天子引兵還使者持刀遮玉關  
烏孫輪臺善窺伺宛若不降輕漢使  
璽書昨夜下敦煌太白高高正吐芒  
戍甲重徵十八萬居延少年最翹健  
殺氣漫漫日月昏邊城冉冉旌旗亂  
水工決水未絕流旄竿已揭宛王頭  
執驅校尉青狐裘牝牡三千聚若丘  
惜哉五原白日晚邛居水急游魂返

李陵縣軍遇敵圖

元陳泰

壯哉射虎將軍孫惜哉扼虎邊軍魂旌旗半捲日光薄  
風吹野水秋無言生降孰與死戰樂天子未負將軍恩  
陣前八駿血為淚仰面不見咸陽門祁連山頭堆肖宿  
將軍多馬今何贖

武帝問日磾圖

宋劉子翬

漢朝人物盡英奇武帝招延盛一時拒諫不能容汲直  
託孤何至用胡兒

題蘇武忠節圖

三首

宋 文天祥

忽報忠圖紀歲華東風吹淚落天涯蘇卿更有歸時國  
老相兼無去後家烈士喪元心不易達人知命事何嗟  
生平愛覽忠臣傳不為吾身亦陷車

獨伴羝羊海上遊相逢血淚向天流忠貞已向生前定  
老節須從死後休不死未論生可喜雖生何恨死堪憂  
甘心賣國人何處曾識蘇公義膽不

漠漠浮雲海戍迷十年何事望京師李陵罪在偷生日

蘇武功成未死時鐵石心存無境變君臣義重與天期  
縱饒夜久胡塵黑百鍊丹心涅不緇

跋蘇武持節圖

三首

元王惲

使華往返見交兵老我何嘗繫重輕已分橫身膏草野  
茂陵松柏夢秋聲

君臣義合以忠持十九年間節可知邂逅論詩幾侮玩  
區區才得典諸夷

兩行衰淚血霑襟一節酬恩北海深衛律有知慙即死



更來游說此何心

蘇武牧羊抱雛圖

元  
袁桷

寒壇齧盡節旄稀  
野曠風低短草肥  
忽見嬋娟新月上  
却疑身似夢中歸

題蘇武牧羊圖

元  
鄭元祐

飛鴻歷歷度天山  
何處孤雲是漢關  
不滴望思臺上血  
君王猶及見生還

題蘇武牧羊圖

元  
楊維禎

未入麒麟閣時時望帝鄉寄書原有鴈食雪不離羊旄  
盡風霜節心懸日月光李陵何以別涕淚滿河梁

蘇武持節圖

元 劉詵

朔雪漫沙幾白羝胡風吹凍滿羶衣少卿駝馬彌山谷  
何似中郎一節歸

題蘇子卿牧羝圖

明 劉炳

宮廬十九年坐臥持漢節歸來滿鬢斑疑帶天山雪

屬國冬牧圖

明 程敏政

天山雪花大如席瀚海東頭絕人跡羣羊散落沙磧間  
齧盡寒氊歲云夕塞垣孤月十九冬手持節旄歸漢封  
不知麟閣丹青手曾寫當時憔悴容

題趙子昂蘇武牧羊圖

明謝復

誰寫漢中郎風流趙子昂雪中持漢節海上牧羝羊氣  
與風霜勁忠爭日月光君為宋家子揮翰亦堪傷

牧羊圖

明李麟

萬死間關抗虜塵廿年北海未亡身牧羊不羨彌山富

仗節惟拚鬪雪貧已分此身甘苜蓿豈知他日畫麒麟  
河梁相向降奴泣白髮憐看漢老臣

蘇李會合圖

元 范 梈

未識沙場苦空曾奉使來詎知羝乳約不抵鴈書迴漢  
節風霜苦胡笳旦莫哀誰憐太史令心為故人摧

題李陵宴蘇武圖

二首

元 劉 詵

居延山下馬成羣伎樂聲高夜入雲初志消磨如衛律  
殷勤置酒教蘇君

屬國難酬白髮郎  
延平誰與弔沙場  
隴西使者如雲出  
却要迎歸右校王

題李陵見蘇武圖

明  
劉基

中原無書羝不乳  
孤裘蒙戎奈何許  
老身漢節死生俱  
地角天涯見明主  
金鞍駿馬空故人  
相看一笑增悲辛  
悲來風沙吹上馬  
河水東流日西下

蘇李泣別圖

宋  
劉克莊

風雲慘淒草樹枯  
死笳鳴馬嘶弦  
驚鵲起熟看境色非

人間祁連山下想如此手持尊酒別故人此生再面真  
無因胡兒漢兒俱動色路傍觀者為悲辛歸來暗灑茂  
陵淚子孟少叔方用事白頭屬國冷如冰空使穹廬對  
忠義茫茫事往賴畫存每愁歲久縑素昏即今畫亦落  
人手古意淒涼誰復論

題蘇李泣別圖

二首

元戴表元

弓疲矢盡三千里節敝衣穿十九年流落天涯有離別  
當時誰擬畫圖傳

沙雲如雪雪如塵握手相看語語真多少世間無淚面  
一生錯笑隴西人

蘇李圖

元  
戴表元

塞北中郎雪滿頭隴西壯士淚沾裘人生百歲能多少  
直至如今說未休

蘇李相別圖

元  
程鉅夫

漠漠陰風吹草低蕭蕭漢節對羣羝少卿心事原無異  
家共長安萬里西

蘇李河梁圖

元 袁 桷

曾作河梁客山迴溪水灣春看人北上秋見鴈南還

和謝敬德學士題蘇武泣別圖韻

二首

元 許有壬

死節吾已矣生還又不如天王非太忍臣罪不勝誅  
親交生別去子復棄遐荒只道還家好還家恨更長

蘇李泣別圖

元 陳 樵

祁連山下空拳折啼鳥入夢頭如雪胡越相看十九年



今日輸心為君說窮兵未必來遠人居

原本闕  
謀  
原本闕  
二字

可馴天驕萬里來稱臣他年陛下知臣心

蘇李泣別圖

明  
高  
啓

丁零海上節毛稀幾望南鴻近塞飛泣盡白頭相別淚

少卿留虜子卿歸

題李陵蘇武泣別圖

明  
銹  
炳

臣有千古哀覆水一去難再回臣有三寸舌染絲一黑  
難再白丈夫瓦裂聲名虧漢不我德將安為吞聲長哀

送蘇武忠肝惟有青天知煙沙蕭條壓冰雪心事淒涼  
淚成血誰憐冤魄老胡塵空有丹心瞻漢闕目斷關河  
夕照迷茂陵煙樹草萋萋將身不似雲邊鴈猶得年年  
故國歸

李陵泣別圖

明  
袁凱

上林木落鴈南飛萬里蕭條使節歸猶有交情兩行淚  
西風吹上漢臣衣

子卿泣別圖

明  
康海

積怨世豈惻感別會仍艱置酒話夙昔詎終千萬端歎  
息淚沾臆徒令摧肺肝昔為雙飛龍今為孤翼鸞丈夫  
恥微諒况爾烈士顏躍馬塞上別欲歸中自難徒切報  
主恨安悔軍吏言勝負有微數奮勵心所安所以君子  
人不處嫌疑間

題蘇李泣別圖

明左國幾

蘇武天山下吞羶齧雪花誰知寄書鴈飛到漢皇家去  
日持丹節歸頭滿素華相隨李校尉別淚泣胡沙

子卿歸漢圖

金趙秉文

節旄落盡始歸來  
白髮龍鍾老可哀  
猶勝生降不歸漢  
將軍空有望鄉臺

蘇武歸朝圖

明丘濬

茂林煙樹碧蕭疎  
白首生還志不渝  
面目依稀猶似昔  
節旄零落已無餘  
歸期不待羗生乳  
遠信真成鴈寄書  
頗有幽懷忘未得  
夢魂時或到穹廬

霍光取璽圖

宋劉子翬

此郎守節固堪論漢璽飄飄亦僅存周勃取將迎代郎  
霍光持去授皇孫

丙相問牛圖

二首

元王惲

牛來近地暑光微深媿調元相業非後世幾人能辨此  
寧車甘受野人譏

休驚宣父才難歎兩漢調元見是公後世幾人能辨此  
救時纔得一姚崇

丙吉問牛圖

元許有壬

肥充列鼎健充車厚養專為簿領驅千古清風梓人傳  
憑誰書繼丙家圖

丙吉問牛喘圖

元虞集

少陽用事春猶淺丞相公行問牛喘三公職事知者稀  
嗟彼德微蒙策免天子有道守四夷中心無為日萬幾  
遠有荒服近有畿夙夜明哲發裳衣

分韻賦二疏供帳圖

送王善父司業致仕歸

元吳師道

長安城東門雜沓送客車客車數百輛高蓋陰華裾西

都明主優賢日東海老臣辭位初一家父子信奇事況  
乃同時還里閭停車下馬坐張次轆牲行酒聊躊躇當  
時送者亦可喜惜哉名字無人書黃塵漫漫長安路疾  
走高才恣馳騫祇見人覓公卿來不見人送公卿去朝  
衣載東市輓紼歌薤露何如白首樂故居趣賣黃金日  
供具賢哉疏大夫此事從古無後來復有楊司業昌黎  
稱是斯人徒王公官與楊公比一旦飄然亦相似高節  
清風凜終始喚取良工續畫圖共仰修名炤青史

跋東門祖道圖

二首

元王惲

東門祖帳盛官儀，淠淠鸞旗動漢騑。  
燕几道尊邊有踐，碧空雲靜日重暉。  
飄蕭物表桑榆境，洒落人間寵辱機。  
東海西邊兩坵土，至今圖畫見宮闈。

二疏心迹本鴻冥，解紱東還敞屣輕。  
劍履中朝傾百位，風雲高駕渺雙旌。  
問金奚有田廬計，歸夢都忘寵辱驚。  
詔獄悖然賢傳死，虛勞明主問蕭生。

題張敞畫眉

元劉詵



京兆春風到柳枝  
翠簾縹緲遠山奇  
梁鴻亦有齊眉樂  
不要人間黛綠施

張敞畫眉圖

元 牟 巖

眉嫵臣罪小  
君王一笑休  
明日章臺路  
便面越風流

漢成帝幸張禹第宅圖

元 王 惲

王氏當朝久惡譁  
幸回天鑒絕萌芽  
恬然不主天人斷  
長恨安昌負漢家

題嚴陵獨釣圖

元 揭傒斯

何事玄纁入里閭羊裘暫脫就安車空令太史驚同寢  
猶把狂奴視報書一出聊為天子重諸公莫道故人疎  
朝廷自是中興事且教桐江著老儻

子陵釣圖

元周權

東都熱官手可炙吳儂面似秋江色平生落拓一羊裘  
七葉貂蟬不堪易功臣盡在雲臺中丹青化作灰塵空  
先生遺貌乃在此釣竿尚裊桐江風悠悠世事江雲白  
過眼輕帆自朝夕人間萬古仰孤風天上有星猶是客

子陵垂釣圖

明魏倂

羊裘那肯換簪纓一曲桐江老此生高節終扶炎漢祚  
漁竿不是釣虛名

題無訟堂屏上衮安臥雪圖

宋楊萬里

雲牕避三伏竹牀橫一丈退食急袒跣病身聊偃仰有  
夢元無夢似想亦非想滿堂變冥晦寒陰起森爽門外  
日如焚屏間雪如掌蕭然聳毛髮皎若照襟幌拔地排  
瑤松倚天立銀嶂遙見幽人廬茅棟壓欲響有客叩柴

門高軒隘邨巷剝啄久不聞徙倚覺深悵幽人寐正熟  
何知有令長誰作臥雪圖我得洗炎瘴

題袁安臥雪圖

三首

元王惲

曲突無煙雪擁關引書高臥自怡顏須知四世三公業  
不在人情冷暖間

突不煙黔雪擁扉一編義易療朝飢火城莫羨沙堤相  
論士當觀未遇時

窮巷無人與叩關長安風雪一家寒挺然不為飢驅去

肯逐時人作熱官

題袁安卧雪圖

元陶宗儀

玉琢芙蓉朵朵開  
乾坤清氣費詩裁  
先生一榻高千古  
不管門前縣令來

題李唐畫袁安卧雪圖

明張羽

袁生抱高節處順以安時  
杜門不出仕自與塵世辭  
歲暮多嚴風積雪盈路歧  
擁鑪獨高臥中心還自怡  
縣令何所聞下車叩茅茨  
問君胡不出答云恒苦飢  
慎守固

窮志相干豈其宜此事沒已久緬焉獨馳思披圖三歎  
息高風如在茲嗟彼後之人汲汲徇其私

袁安臥雪

明王越

臥雪丰姿入畫清當時令尹亦多情於今縱有袁安在  
雪裏誰來問死生

合紙屏為小閣畫臥袁訪戴其上名之曰聽雪各

與長句

二首

宋方岳

空山十日雪塞門天荒地老無行人蘆花敗絮不堪着

山石夜裂蒼皮皴奇寒中人僵  
聳負樵汲路迷瓶粟既  
駕風萬鶴危欲仙此腹久無煙  
火氣家家暖入紅麒麟  
誰肯問訊推柴荆洛陽令亦可  
人者惜哉史不書其名  
此公要亦非知我志士從前例  
寒餓儻令開口向凡兒  
寧忍春雷曲肱臥

颼颼颼颼風落木淅淅瀝瀝聲  
撼竹乾坤不起夜開闌  
一港玻璃四山玉我所思兮渺  
中洲幽懷欲寫誰與訓  
世間餘子不足語乘興徑上海  
翁舟未到山陰竟回櫂

歛去驟來何草草神交何必面相朋逸韻高情一如埽  
寧可一生無此人不可一日無此君襟期何必戴安道  
玉立寒青自不羣

題絳帳圖

宋韓駒

豈有青雲士而居絳帳間諸生獨何事不上會稽山

却金圖

明廖道南

伯起乘車牧郡時却金昏夜敢云私漢庭石室芳名滿  
清白相傳有四知



梁父吟扇頭

元  
元好問

盤礴萬古心塊石入危坐青天一明月孤唱誰與和

諸葛春耕圖

明  
程敏政

一夜春溪新雨足曉耕已徧前川曲烏犍少脫半犂閒  
鳥外茸茸草根綠坐愛一株沙柳陰展卷疑聞梁父吟  
布衣未接隆中聘誰識當年開濟心

題劉先主三顧草廬圖

明  
王 阜

火星匿輝三光翳當時妖鬼移神器中山華胄左將軍

仗鉞西南伸大義南陽臥龍天下無枉駕三顧風雲趨  
草廬傾蓋君臣際魚水同心契合初大將荆益三分傑  
赤壁樓船煙燼滅漢中續緒帝業成青史煌煌載功烈  
關張龍虎皆殞身直以中原仗老臣木牛轉餉關中粟  
甲馬空思渭北城渭兵十萬揚威武典午滑賊虎成鼠  
出師二表八陣圖耿耿孤忠照千古

三顧草廬圖

明  
唐寅

草廬三顧屈英雄忼慨南陽起臥龍鼎足未安星又隕

陣圖留與浪淘春

題孔明出師表圖

明  
李堅

永安宮中日欲落榻前面拜遺孤託先皇飲恨臣所知  
忍見翠華終劒閣臣身與賊不俱生誓提義旅清中京  
汎除九廟光舊物上謝先帝酬忠貞六師戒日臨河渭  
曉發披誠表天陛諄諄恢復次第陳縷縷忠肝兼義氣  
事關官府在相通親賢遠佞先漢隆後王不鑒高祖訓  
累我漢業遭塵蒙漢家賊姓難兩立王業偏安大無策

鞠躬盡瘁臣所安利鈍成虧非可臆炎精無光赤灰冷  
五丈原頭將星隕牙前長史整旋軍巾幘老奴拜天幸  
煌煌二表明丹青文追伊傅光六經留傳人世勸忠蓋  
呵護時有神威靈英雄無命古如此大節堂堂映青史  
君不見二十四疏請回鑾東京留守銜悲死

御定歷代題畫詩類卷三十五

欽定四庫全書

御定歷代題畫詩類卷三十六目錄

故實類

龐公攜家圖引

明王逢

題龍眠曹楊讀碑

元程鉅夫

讀碑圖

元鄭元祐

曹娥江讀碑圖

元僧大訢

題讀碑圖

明朱經

管幼安濯足圖

金趙秉文

幼安濯足圖

元劉因

管寧濯足圖

元楊奐

題王粲登樓圖

元楊維禎

奉題鐵遂相公王粲登樓圖

元余日強

題孫登長嘯圖

元趙孟頫

竹林七賢圖

元虞集

竹林七賢圖

元王惲二首

題竹林七賢圖

元錢選

竹林七賢圖

明丘濬

竹林七賢圖

明張寧

尤子求竹林七賢圖

明王世懋

題竹林七賢

明陳振

嵇康柳下鍛圖

元鄭元祐

仲容摘阮圖

元張天英

習池醉歸圖

金馮璧

醉山簡圖

宋劉子翬

題石崇錦障圖

元朱德潤

題金谷園圖

明劉基

跋扇頭郝隆曬書圖

元馬祖常

題晉劉琨雞鳴舞劍圖

元吳萊

觀運甓圖有感

明董其昌

投書圖

元元好問二首

右軍書扇圖

元王惲



右軍觀鵞圖

元王惲

羲之籠鵞圖

明方孝孺

題柳文範舍人畫右軍觀鵞便面

明程敏政

題羲之墨沼圖

明魏時敏

逸少蘭亭圖

明張以寧

觀蘭亭修禊圖

明黃洪憲

蘭亭修禊圖

明白圻

蘭亭修禊圖

明袁宏道二首

題羊欣練裙圖

元王廓

題王晉卿畫四景

宋蘇軾

次韻題畫卷四景

宋蘇轍

題謝安石東山圖

宋朱子

題趙師舜謝安遊東山圖

元虞集

謝太傅東山圖

元王惲二首

趙仲穆東山圖

元吳鎮

題謝安觀山圖

元丁鶴年

謝安遊東山圖

明吳寬

謝太傅攜妓東山圖

明徐渭

謝太傅奕棋圖

元王惲

謝安對奕圖

元程鉅夫

支遁相馬圖

金趙秉文

題王武子相馬圖

元王惲二首

王武子相馬圖

元范梈

題明發所畫訪戴圖渠自有詩

宋晁說之

答錢遜叔訪戴圖

宋呂居仁

雪夜訪戴圖

元歐陽玄

題子猷訪戴圖

明張以寧

題扇面子猷訪戴圖

明黃仲昭

子猷乘興圖

元金涓

題子猷迴舟圖

元王恽

題山陰回棹圖

元馬臻

石勒問道圖

元元好問

石勒問道圖

元王惲

王猛捫蝨圖

宋劉子翬

御定歷代題畫詩類卷三十六目錄

欽定四庫全書

御定歷代題畫詩類卷三十六

故實類

龐公攜家圖引

明王逢

鴻鵠巢高林，龜鼉穴深淵。所以龐德公，躬耕峴山田。當時劉表儕，雄才黃金足。置燕王臺臺，成禽荒甘。鴆毒醉，鱗臂錦呼鷹來。鷹飢受呼飽，則去非熊之倫。孰得馭諸兒豚犬遺，以危況復蒼生天下慮。蘇嶺石鹿雙聳然霞。

日絢爛芝莖鮮囊衣裹絰車連連白騾青特叅後先舉  
家相攜入長煙竟託採藥終天年至今事跡有在心無  
傳嗚呼孔明不過大耳主亦必老向隆中眠

題龍眠曹楊讀碑

元程鉅夫

以彼禍賊深遇此智術淺道旁十六字方爾較近遠

讀碑圖

元鄭元祐

摩挲漢鼎朶饒頤臣道為忠孝可移枉使南來五千里  
越江漫讀孝娥碑



曹娥江讀碑圖

元僧大訢

海門五月潮如山龍伯鼎負蒼蛟頑越俗輕生好巫鬼  
婆娑踏舞洪濤間羣巫姣服盱獨好歌聲忽絕紅旗倒  
孝娥死抱父尸出天地無情日杲杲雄詞不愧邯鄲兒  
萬金莫購中郎題碑陰八字非隱語德祖有智如滑稽  
豈是阿瞞不解此感媿上馬歸路迷女德猶能奮其節  
壯夫氣吐萬丈霓姦雄復欲欺後世白頭猶愛漢征西  
丹青似是董狐筆千年要與竹帛齊娥江新廟照江水

可憐銅雀草萋萋

題讀碑圖

明

朱經

孝娥碑在曹江濱誰其作者邯鄲淳中郎八字因贊美  
後來索隱寧無人老瞞久欲窺神器既見此圖心若媿  
較三十里乃遜辭姦雄實憚楊修智修乎修乎智有餘  
用之治世將無如露才揚已古所忌况復漢賊基黃初  
令我憮然觀繪墨懷賢為爾傷雞肋研磨銅雀臺上瓦  
點染霜毫動秋色絕妙好辭天下無異代讀碑傳作圖

長歌落日西風起酒酣擊缶聲鳴鳴

管幼安濯足圖

金趙秉文

道喪何人識重輕白頭不作魏公卿  
滄浪濯足知君意濁水那能浼我清

幼安濯足圖

元劉因

漢家無復雲臺功平生不作大耳公  
眼中天意鏡中語此身只有扁舟東  
關東諸公亦英雄百年能辨山陽封  
歸來老柏號秋風世事悠悠七十翁  
乾坤故物兩足在

霜海浮雲空復空，無刀可斷華太尉。  
有死不為丕太中，丹青皐帽凜冰雪。  
高山目送冥飛鴻，為問蘇家好兄弟。  
萬古北海誰真龍。

管寧濯足圖

元 楊 奐

踏遍遼東未是癡，藜牀穿穴只心知。  
好留一掬黃泥水，塤却曹郎受禪碑。

題王粲登樓圖

元 楊維禎

臨洮水涸銅人毀，西園青青草千里。  
秦川公子走亂離。

瘦馬疲童面如鬼  
俊君威名跨海南  
虎視走鹿何眈眈  
可憐膝下盡豚犬  
誰復大廈收楸楠  
落月樓頭髀空拊  
目斷神州隔風雨  
平生不識大耳公  
座上客歸丞相府  
春深銅雀眼中蒿  
攬涕尚復思登高  
江山破碎非舊土  
版圖何日還金刀  
荆臺高樓已荆棘  
丹青寫賦工何益  
君不見袁家有客  
能罵賊將軍頭  
風重草檄

奉同鐵遂相公賦王粲登樓圖

元 余日強

建安文章應劉陳  
通脫亦有王公孫  
長安西行白日匿

漢陽人依劉俊君漢陽偷安無遠略王孫坐覺荊州窄  
英雄固當擇所歸作掾終慙座上客北風蕭蕭吹素心  
北望杳隔荆山岑魏官牽車出關遠銅華蝕風驚春深  
秋來滿眼生禾黍江山重感非吾土憑軒作賦抑何心  
猶是黃初非典午君不見當時奴視賣履翁矯矯文舉  
真如龍

題孫登長嘯圖

元

趙孟頫

在澗幽人樂考槃南山白石夜漫漫空林無風萬籟寂

長嘯一聲山月寒

竹林七賢圖

元虞集

瞻彼修竹下臨清流文石偃隄華松陰丘植表界壤翦  
茅宅幽梁度高巘臺隱中洲方牀讀書異宮同休詠歌  
相聞觴豆相求或時名藥或釣游儵課藝嘉植坐思遠  
遊濯纓微波看雲良疇逸而不放儼而自修泰哉沮溺  
邈乎巢由按圖以觀永宜春秋孰若五君遺其故疇糟  
粕塵世高蹤莊周我懷古人邈而違憂安得揮絃以招

湛浮

竹林七賢圖

二首

元  
王 惲

森森煙玉太行秋  
七子徜徉結勝遊  
笑殺阿戎真俗物  
出山能幾執牙籌

魏晉清談倡若徒  
永嘉東播洛為墟  
大書不削陽秋筆  
更著丹青詫隱居

題竹林七賢圖

元  
錢 選

昔人好沉酣人事  
不復理但進杯中  
物應世聊爾爾悠



悠天地間媮樂本無媿諸賢各有心流俗無輕議

竹林七賢圖

明丘濬

太行之陽修竹林昔賢於此閒登臨江山如故遺蹟在  
空有清風傳至今晉人曠達尚玄語棄置禮法胡如土  
神州陸沉二百年當時豈但王夷甫

竹林七賢圖

明張寧

深竹暗浮煙羣公樂事偏高情動寥廓清論入微玄豈  
是巢由侶何如沮溺賢其誰匡典午勲烈照遺編

尤子求竹林七賢圖

明 王世懋

河內構崇基景文弱皇祚達人鑒幾先沉酣遠世路把  
臂命儔侶齊心諧所慕開襟蕩幽思倚篠託貞素英英  
嵇阮姿便便山公度劉生素玄闕秀也協真悟仲容既  
同調安豐復軒舉忘年在冥心日日自成趣聚散會有  
窮金石交未盡追舊黃公壚興哀山陽賦絲肉無留聲  
淇園今非故執鞭莫余從風流或可沂

題竹林七賢

明 陳 棖

河內衣冠勝會同竹林高興自無窮  
野橋翠滴諸山雨石几涼生六月風  
身外功名爭似酒間中歲月任飛蓬  
可憐遺跡銷沉後錯把丹書付畫工

嵇康柳下鍛圖

元鄭元祐

何所聞而來不妨柳下鍛何所見而去魏鼎不復爨  
哀哉志士千古心有鎚弗鍛躍冶金

仲容摘阮圖

元張天英

林中長憶仲容賢水底龍吟阮上絃  
彈破白雲飛不去

化為磐石已千年

習池醉歸圖

金馮璧

襄漢方屯十萬兵  
習池日往不曾醒  
紛紛誤晉皆渠輩  
何獨王家一寧馨

醉山簡圖

宋劉子翬

倒載山公豈酒狂  
羣兒拍手峴山旁  
汙青等是虛名耳  
不把雲臺換酒鄉

題石崇錦障圖

元朱德潤

洛陽金谷園中花雕玉為闌繡作遮琉璃器多出珍饌  
瑪瑙街長行鈿車椒房塗香貯歌舞曳珠珥翠籠輕紗  
珊瑚扶疎三四尺王羊貴戚爭豪奢那知花淫風雨妬  
古來山澤生龍蛇嬋娟墜樓寶玳碎月明夜半啼驚鴉

題金谷園圖

明  
劉基

君不見石家名園擬黃屋蜀錦作圍金作谷暖香烘日  
浮紫霄冰紈火布鮫人綃燕釵十二歌白苧珊瑚玲瓏  
綠珠舞月榭吹笙引鳳凰霧幄傳觴語鸚鵡檠下燭光

宵未歇樓上佳人碎瓊雪空將遺恨寄丹青留作千年覆車轍

跋扇頭郝隆曬書圖

元 馬祖常

腹笥便便貯五經天邊夜半失文星蠹魚不覺芸香苦肯信腸中有汗青

題晉劉琨雞鳴舞劍圖

元 吳 萊

我行洛陽大道邊一雙蒼鷺飛上天惜哉春水御溝去化作胡兒飲馬泉山前雞鳴夜欲半古劍隨身舞凌亂

白光虎躍騰雪霜神氣龍蟠貫星漢望中沙漠衣正寒  
舉手顛倒髮衝冠鹿盧蹻動即千里蘭子戲成徒七盤  
人生豈無志事往僅有淚疲兵獨困守劇虜翻強驚孔  
融才疎不足多素紹衆盛空黃河代公土地仍同患段  
國風塵謾負戈世間壯士但老死凍鐵沉埋何處使千  
秋萬歲青金蚪恨不鑄得劉并州

觀運甓圖有感

明  
董其昌

壁紀滄洲勝圖開白社清俱為豐歲寶詎有惜陰情運

臂神誰寫先鞭意不輕賭碁真賤戲抱甕豈嘉名談塵  
嗤王謝紆籌似孔明直令披畫者忼慨請長纓

投書圖

二首

元  
元好問

一束空書不療飢浮沉隨水恰相宜醫家藥楮輕拋却  
却是洪喬見事遲

屈作書郵未肯心百函隨水聽浮沉虛名底用寒溫問  
却是洪喬最賞音

右軍書扇圖

元  
王惲



王謝當年奕世豪  
東山逸興更滔滔  
不應經略中興志  
留在書名與日高

右軍觀鵝圖

元  
王 惲

照眼雙鵝引頸來  
胷中妙思與之偕  
寥寥尚友千年後  
只有涪翁識此懷

羲之籠鵝圖

明  
方孝孺

內史清真江海情  
每將高誼動朝廷  
平生却被能書誤  
更為鵝羣寫道經

題柳文範舍人畫右軍觀鵞便面

明程敏政

晉帖紛紛逐逝波畫中徒見右軍鵞家雞亦有臨池興  
未必元和媿永和

題羲之墨沼圖

明魏時敏

風流晉右軍千古播清芬羽客鳴寒磬留人坐白雲鷗  
波生筆陣墨沼亂鵞羣却笑曾書破羊欣白練裙

逸少蘭亭圖

明張以寧

蘭亭佳處憶曾過已較前人感慨多修竹茂林今在否

畫中一看意如何

觀蘭亭修禊圖

明 黃洪憲

夙昔秉微尚縱情寄丘壑  
晞髮會稽陽俯觀但寥廓  
蘭亭被荒丘羣賢不能作  
風生松下寒月出雲下薄  
觴咏已無歡墨妙虛有託  
崇峻迹未殊清朗又如昨  
彭殤誰見齊庶幾達者樂

蘭亭修禊圖

明 白圻

飛觴泛水集羣賢文采風流自往年  
靜裏披圖懷勝事

一川新綠鎖輕煙

蘭亭修禊圖

二首

明  
朱宏道

分別層溪與遠巒  
天章寺裏雨中看  
會稽內史風流甚  
賴得中朝有謝安

石榻誰知定武訛  
鉞紋猶識舊宣和  
憑君莫話冬青樹  
添得青山淚許多

題羊欣練裙圖

元  
王廓

斐几箱明麝墨輝  
練裙冰縞筆尤奇  
不知夢近天門否

却怪龍蛇繞足飛

題王晉卿畫四首

宋蘇軾

山陰陳迹

當年不識此清真  
強把先生擬季倫  
等是人間一陳迹  
聚蝨金谷本何人

雪谿乘興

谿山雪月兩佳哉  
賓主談鋒夜轉雷  
猶言不見戴安道  
為問適從何處來

四明狂客

毫端偶集一微塵何處谿山非此身  
狂客思歸便歸去更求敕賜枉天真

西塞風雨

斜風細雨到來時我本無家何處歸  
仰看雲天真弱笠旋收江海入蓑衣

次韻題畫卷四首

宋  
蘇軾

山陰陳迹

卧對都公氣已真  
晚依丘壑更無倫  
不須復預清言侶  
自是江東第一人

雪谿乘興

亟往遙歸真曠哉  
聾人不信有驚雷  
雖云不必見安道  
已誤扁舟犯雪來

四明狂客

失脚來遊九陌塵  
故溪何日定抽身  
便同賀老扁舟去  
已笑西山鄭子真

西塞風雨

雨細風斜欲暝時  
凌波一葉去安歸  
遙知夜宿鮫人室  
浪卷波分不著衣

題謝安石東山圖

宋朱子

家山花柳春  
侍女髻鬟綠  
出處亦何心  
晴雲在空谷

題趙師舜謝安遊東山圖

元虞集

太傅東山杖屨行  
總將憂患託高情  
獨尋窈窕開瑤席  
雙引娉婷韻玉笙  
春雨松間殘奕冷  
秋風江上暮塵生



三分籌策頻煩甚惆悵雲霄一羽輕

謝太傅東山圖

金叅陽李公恭筆

二首

元王惲

鳳沼春間湛綠波未容絲竹醉巖阿儘能經濟蒼生了  
七寶莊嚴未是過

秦兵一掃兩淮清桓氏微來晉鼎平況復中年正多感  
未妨雲壑寄高情

趙仲穆東山圖

元吳鎮

東山為樂奈蒼生望重須知亦累情蠟屐春來行更好

桃花洞口笑相迎

題謝安觀山圖

元  
丁鶴年

欲為蒼生起神州未可還籌思保江表安若會稽山

謝安遊東山圖

明  
吳寬

東山高卧如龍蟠天下蒼生望謝安徽書再下幡然起  
五十不妨初作官征西將軍姓桓者致我胡為居幕下  
新亭狎視猶小兒流汗何人面如赭北兵百萬次淮淝  
別墅與客方圍棋捷書已至未終局江上阿玄班我師

高懷磊落多長技誰識向來遊戲事後世風流强慕之  
登山也復攜歌妓

謝太傅攜妓東山圖

明徐渭

聞道東山賭墅年胭脂粉白兩嬋娟主人出畫催題急  
好下真真付墨妍

謝太傅奕棋圖

元王惲

勝負胷中料已明又從堂上出奇兵怡然一笑文楸裏  
未礙東山是矯情

謝安對奕圖

元程鉅夫

晉代衣冠不可尋  
空餘畫史筆間心  
東山絲竹西州淚  
却是羊曇恨最深

支遁相馬圖

金趙秉文

支郎天機深世故  
一馬中向來疏筍氣  
寓物一洗空眼  
前無騏驎遠目送  
歸鴻僧中有良樂  
萬里籬雲風

題王武子相馬圖

二首

元王惲

王華吹散滿身雲  
掣電追風隱駭奔  
好尚祇誇毛骨異

不思戎馬在東門

駑駘安分老青騶駟論才白璧酬相馬只今誰伯樂  
解教駑驥兩垂頭

王武子相馬圖

元 范 梈

偶然來廢吏喚作九方臯毀譽依名立周旋逐物勞神  
馳風電足眼冷雪霜毛事有遭逢者騏驎固自高

題明發所畫訪戴圖渠自有詩

宋 晁說之

扁舟雪夜興千載風流存詩畫能幽絕不似諸王孫興

多却易盡一世復何待  
傖父莫罵予猶且不見戴

答錢遜叔訪戴圖

宋 呂居仁

北風吹霜夜如

一作飛

雪江城草木凍欲折  
病夫袖手無

所為一坐臨川已三月  
忽蒙妙句起衰憊  
頓覺和氣生  
毛髮公能忘機我亦倦  
不待曼殊見摩詰  
圖畫是非久未解  
况保長年不磨滅  
請公置畫莫多求  
要與時人除愛渴

雪夜訪戴圖

元 歐陽玄

雪夜操舟童僕勞偶然歸去便稱豪若為返樞成佳趣  
轉憶當時不出高

題子猷訪戴圖

明張以寧

平生戴隱居破琴還雲嶠亦有愛竹人翛然可同調雲  
溪夜回舟未見心已了乾坤澹虛白吾方領其妙

題扇面子猷訪戴圖

明黃仲昭

入夜懷人思不禁衝寒一櫂度山陰興來歸去江雲暝  
門掩千峰積雪深

子猷乘興圖

元金涓

月照梅花雪點春  
小舟危坐醉中身  
一時為愛溪山去  
本是無心見故人

題子猷迴舟圖

元王惲

勾吳四時無正天  
盛寒之月猶春妍  
朝來一雪天地白  
田父適喜爭狂顛  
宜其佳客逸思發  
乘興還上山陰船  
煩襟寬慮一洗為  
蕭然江東名流說  
戴逵高談禮法殷  
春雷子猷恐是虛  
華士竟懼空舟夜  
半回



題山陰回樵圖

元馬臻

夜雪蕭騷入剡溪  
高懷忽起故人思  
當時興盡不回樵  
千載誰傳一段奇

石勒問道圖

元元好問

輕比韓彭作李陽  
高僧早已笑君狂  
中原果有劉文叔  
肯說鈴聲替戾岡

石勒問道圖

元王惲

位號真來變故多  
普天無地不干戈  
養成豺豕蕭牆禍

更向伊蒲問甚麼

王猛捫蝨圖

宋劉子翬

劇談世事灞河濱  
奇骨疎姿兩絕倫  
却訝秦無豪傑至  
坐中捫蝨定何人

御定歷代題畫詩類卷三十六

欽定四庫全書

御定歷代題畫詩類卷三十七目錄

故實類

題歸去來圖

宋黃庭堅二首

題歸去來圖

金劉迎

題淵明歸去來圖

金王若虛五首

題鄒公所藏淵明歸去來圖

金路鐸

歸來圖戲作

金劉迥

歸去來圖

元劉因

歸去來圖

元王惲三首

題歸去來圖

元程鉅夫

歸去來圖

元錢選

歸去來圖

元趙孟頫

題靖節徵士歸來圖

元范梈

陶淵明歸興圖

元揭傒斯

陶淵明歸去來圖

元朱德潤

淵明歸來圖

元尚野

淵明歸來圖

元盛摯

題玉山所藏淵明歸來圖後

元張天英

題海陵石仲銘所藏淵明歸隱圖

明張以寧

題歸去來辭畫

明陳顥四首

題李伯時淵明東籬圖

宋蘇軾

題采菊圖

宋韓駒

采菊圖

宋王十朋

東籬采菊圖

金趙秉文

采菊圖

元元好問二首

采菊圖

元劉因

題淵明對菊圖

明靳貴

淵明采菊圖

明僧清澹

題松下淵明

宋黃庭堅

松下淵明圖

元釋良琦

淵明撫松圖

元陳旅

淵明撫松圖 元楊維禎

淵明五柳圖 明袁敬所

陶元亮五柳圖 明蔣王孝

漉酒圖 金龐鑄

淵明漉酒圖 元王惲六首

淵明漉酒圖 元楊維禎

漉酒圖 明僧妙聲

淵明送酒圖 明張以寧

白衣送酒圖

明周禮

淵明醉圖

明陶安

題淵明圖

明貢奎

淵明臨流賦詩圖

元王惲

淵明高卧圖

元程鉅夫

淵明荷鋤圖

元唐肅

淵明始末圖

元馬祖常

陶潛夏居圖

元王惲三首



題王弘邀淵明圖 明僧妙聲

淵明入社圖 元劉永之

題蘇李合畫淵明濯足圖 金劉從益

三徑圖 元袁桷

題昱師房三笑圖 宋李覲

三笑圖 元王惲

虎谿三笑圖 元成廷珪

虎溪三笑圖 元黃鎮成

題李待詔虎溪三笑圖  
元胡長孺

題虎溪三笑圖  
元馬臻

虎溪三笑圖  
元釋祖柏

題三笑圖  
明劉崧

題三笑圖  
明王世貞

三笑圖  
明僧古春

蓮社圖  
金宗九嘉

蓮社圖  
元王惲四首

李龍眠蓮社圖

元吳師道

白蓮社圖

明陶安

題李伯時蓮社圖

明李東陽

廬山社圖

明陳繼儒

張師夔畫謝家池塘

元張雨

御定歷代題畫詩類卷三十七目錄

欽定四庫全書

御定歷代題畫詩類卷三十七

故實類

題歸去來圖

二首

宋 黃庭堅

日日言歸真得歸  
迎門兒女笑牽衣  
宅邊猶有舊時柳  
漫向世人言昨非

人間處處猶崔子  
豈忍更令三徑荒  
誰與老翁同避世  
桃花源裏捕魚郎

題歸去來圖

金劉迎

筆端奇處發天藏事遠懷人涕泗滂餘子風流追魏晉  
上人談笑自羲皇折腰五斗幾錢直去國十年三徑荒  
安得一堂重寫照為公注酒瀉蕉黃

題淵明歸去來圖

五首

金王若虛

靖節迷途尚爾賒苦將覺悟向人誇此心若識真歸處  
豈必田園始是家

孤雲出岫暮鴻飛去住悠悠兩不疑我自欲歸歸便了

何須更說世相遺

拋却微官百自由應無一事掛心頭  
銷憂更藉琴書力  
借問先生有底憂

得時草木竟欣榮頗為行休惜此生  
乘化樂天知浪語  
看君於世未忘情

名利醉心濃似酒貪夫衮衮死紅塵  
折腰不樂翻然去  
此老猶為千載人

題鄒公所藏淵明歸去來圖

金路鐸

牛刀小試義熙前一日懷歸豈偶然有意候君門外柳  
無機還我酒中天貞姿佳菊秋霜裏真意南山夕鳥邊  
善學展禽唯此老萬人海裏小斜川

歸來圖戲作

金

劉迥

雲髻春風一尺高笑攜兒女候歸橈情知一首閒情賦  
合為徵官懶折腰

歸去來圖

元

劉因

淵明豪氣昔未除翺翔八表凌天衢歸來荒徑手自鉏



草中恐生劉寄奴中年欲與夷皓俱晚節樂地歸唐虞  
平生磊磊一物無停雲懷人早所圖有酒今與龐通沽  
眼中之人不可呼哀歌撫卷聲嗚嗚

歸去來圖

三首

元王惲

長沙勲業武侯忠劉宋規模操懿雄虐燄儘烘寰宇裂  
五株楊柳自春風

彭澤遺黎不幸何斜川魚鳥共婆娑先生踐迹高千古  
不似終南捷徑多

解紱歸來百日強東籬松菊未全荒細觀歷贊高賢傳  
一出頭來恨已長

題歸去來圖

元程鉅夫

春晴苦旱心如醉暑雨妨農鬢欲斑眼底家山歸去好  
吾生端的幾時閒

歸去來圖

元錢選

衡門植五柳東籬采叢菊長嘯有餘清無奈酒不足當  
世宜沉酣作邑令侮辱乘興賦歸歎千載一辭獨

歸去來圖

元 趙孟頫

生世各有時出處非偶然淵明賦歸來佳處未易言後  
人多慕之效顰惑媼妍終然不能去俯仰塵埃間斯人  
真有道名與日月懸青松卓然操黃華霜中鮮棄官亦  
易耳忍窮北牕眠撫卷常三歎世久無此賢

題靖節徵士歸來圖

元 范梈

維公楚杞梓作令晉衣冠得志但恐暮濟時非所難古  
今絃韻寡歲月酒杯寬渺渺山中去深深畫裏看

陶淵明歸興圖

元 揭傒斯

家貧無酒飲聊欲試弦歌去家百餘里邈若異山河江  
上日多風浩浩水增波門前五柳樹繁蔭空婆婆秫田  
已收成歸計當如何

陶淵明歸去來圖

元 朱德潤

甲子題年玩物華門前栗里自桑麻從他晉史書劉宗  
別有黃花處士家

淵明歸來圖

元 尚野

羲皇上人鄉里兒田園將蕪非所思楚聲雖託絕怨懟  
高情千古歸來辭歸來忽復河山移忠憤意切語益微  
白雲遙遙望不極東籬舊菊西山薇夷齊奚疑怨邪非  
况乃貌此移世姿文行圭璧照方冊飄然髣髴生同時  
子雲擬聖諸儒譏法言美新吾誰欺考亭夫子春秋筆  
昭然榛莽日星垂

淵明歸來圖

元  
盧 摯

留侯晚歲游赤松武侯早歲稱卧龍亡秦扶漢聲隆隆

淵明初非避俗翁兩侯大節將無同陽秋特書晉甲子  
辭鋒時露長沙雄王弘何幸奉吾足督郵能芥平生胸  
門前五柳春濛濛落絮不與江波東環堵蕭然吾未窮  
北窗儘有羲皇風畫圖不盡千古意詩成一笑浮雲空

題玉山所藏淵明歸來圖後

元 張天英

陶令昔去官當世豈知賢杖藜柴桑里汎舟卽斜川春  
風五柳陰秋日秫盈田歲釀杯中物佳辰奉賓筵觴來  
各有趣斟酌聲交歡為生豈易了藉此一欣然咄哉羲

皇人既遠身名全

題海陵石仲銘所藏淵明歸隱圖

明張以寧

昔無劉豫州隆中老諸葛所以陶彭澤歸興不可遏凌  
烟讌功臣旌旗蔽輶輶一壺從杖藜獨視天下濶風吹  
黃金花南山在我閨蕭條蓬門秋穉子候明發豈知英  
雄人有志不得豁高詠荆軻篇竦然動毛髮

題歸去來辭畫

四首

明陳顥

微風自東來地脈初回陽好鳥出幽谷潛魚躍芳塘欣

欣木向榮涓涓水流香萬物俱得時吾憂亦已忘歸來  
衡門下且復酣杯觴

人生非金石寓形宇宙間抱才既沾祿知休即辭官委  
心隨去留避俗謝往還皇皇欲何之富貴不可干劃然  
發長嘯白雲起南山

農事在東臯孤往適茲旦微雨亦既零土膏濕凝汗僮  
奴未盡力宿草猶餘蔓植杖隴畝傍耘耔日過旰勞生  
雖多難卒歲應飽飯



帝鄉不可期歸老全此身清風謝流俗高節抗浮雲舒  
嘯登東臯賦詩臨澗濱有酒輒取醉不負頭上巾樂天  
以乘化超然真達人

題李伯時淵明東籬圖

宋蘇軾

彼哉嵇阮曹終以明自膏靖節固昭曠歸來侶蓬蒿新  
霜著疎柳大風起江濤東籬理黃華意不在芳醪白衣  
挈壺至徑醉還遊遨悠然見南山意與秋氣高

題采菊圖

有序

宋韓駒

往在京口為曾公卷題采菊圖九日東籬采落英白  
衣遙見眼能明向令自有杯中物一段風流可得成  
蔡天啓屢哦此詩以為善然余嘗謂古人寄懷於物  
而無所好然後為達況淵明之真其於黃花直寓意  
耳至若飲酒適意亦非淵明極致向使無酒但悠然  
見南山其樂多矣遇酒輒醉醉醒之後豈知有江州  
太守哉當以此論淵明復作一首

黃菊有何好且寄平生懷遇酒興不淺無酒意亦佳此

理誰復明白昔寡所諧空餘采菊圖寂寞懸高齋

采菊圖

宋 王十朋

淵明恥折腰慨然詠式微閒居愛重九采菊來白衣南山忽在眼倦鳥亦知歸至今東籬花清如首陽薇

東籬采菊圖

金 趙秉文

淵明初亦仕跡留心已遠雅志懷林淵高情邈雲漢妖狐伺晝昏獨鶴警夜半平生忠義心同作松菊伴東籬把一枝意豈在酒醖不見白衣來目送南山鴈淡然忘

言說聊付一笑粲

采菊圖

二首

元 元好問

信口成篇底用才淵明此意亦悠哉枉教詩景分留在  
百繞斜川覓不來

夢裏烟霞卜四鄰爭教晚節傍風塵詩成應被南山笑  
誰是東籬采菊人

采菊圖

元 劉 因

天門折翼不再舉袖手四海橫流前長星飲汝一杯酒

留我萬古羲皇天廟堂衮衮宋元勲爭信東籬有晉臣  
南山果識悠然處不惜寒香持贈君

題淵明對菊圖

明 靳 貴

栗里風光別後詩清樽獨詠晚香時折腰欲問歸來意  
只許東籬老菊知

淵明采菊圖

明 僧清澹

泛觴黃菊終非鴟在眼青山殊有情好是晉家天地濶  
此時何處著先生

題松下淵明

宋 黃庭堅

南渡誠草草長沙想艱難松風自度曲我琴不須彈  
遠公香火社遺民文字禪雖非老翁事幽尚亦可觀客來  
欲闢說觴至不得言

松下淵明圖

元 釋良琦

謝安却為蒼生起陶令何辭印綬迴若使生逢聖明世  
青松老盡不歸來

淵明撫松圖

元 陳 旅

原野涼風至草樹日蕭條杖筇來故丘青松在東臯孤  
陰近衡宇薄日暎層標念此有貞操撫之以逍遙

淵明撫松圖

元  
楊維禎

孤松手自植保此貞且固微微歲寒心孰樂我遲暮留  
侯報韓仇還尋赤松去後生同一心成敗顧隨遇歸來  
撫孤松猶是晉時樹

淵明五柳圖

明  
袁敬所

藜杖芒屨白布裘山中甲子自春秋呼兒點檢門前柳

莫遣飛花過石頭

陶元亮五柳圖

明 蔣主孝

所事既非主不歸將若何門前五株柳空惹北風多

漉酒圖

金 龐 鑄

我愛陶淵明愛酒不愛官彈琴但寓意把酒聊開顏自得酒中趣豈問頭上冠誰作漉酒圖清風起毫端露電出形似神情想高閒大似揮絃時目送飛鴻難袖中有東籬開卷見南山嗟予困塵土青鬢時一斑折腰尚未



免敢謂善閉關望望孤雲翔羨羨飛鳥還歸田未有日  
掩卷空長歎

淵明漉酒圖

元  
王 惲

晉人尚放曠不受羈與束虛高失之傲降志到自辱淵  
明性真率順適無矯慙清風凜一時千古仰高躅得錢  
送酒家况我新釀熟渴來夢吞江奚計巾一幅有糟不  
待壓露頂手自漉清濁即聖賢併欲貯吾腹悠然對南  
山夕鳥送以目還我浩浩天世運任伸縮冷然風度林

澹若雲在谷俯仰霄壤間出處一往復過此設有論正  
為蛇畫足宛轉出新意便可激流俗不思義上人方寸  
許撐觸欲求先生心用意不當曲縱使欲自況此老烏  
可黷吾言誠謾與得酒且兀兀

淵明漉酒圖

五首

元王惲

牀頭新釀漉來空清濁君看固不同門外徵車揮已去  
秋香籬落醉西風

紛紛葛屨雜華纓何物衣冠可重輕莫若脫來還漉酒

一杯時復聖之清

秫田一粒不霑屑長恐春醪負此巾  
儘著輕紗渾溼却猶勝憔悴染京塵

停雲時鳥日從容長在先生醉眼中  
劉宗禪來非一事五株楊柳自春風

蒲輪遠聘亦濃恩處士雖微實晉臣  
常愛紫陽書法當不教輕染寄奴塵

淵明漉酒圖

元  
楊維禎

義熙老人羲上人一生嗜酒見天真山中今日新酒熟  
漉酒不知頭上巾酒醒亂髮吹騷屑架上烏紗洗糟蘖  
客來忽怪頭不冠巾冠豈為我輩設故人設具在道南  
老人一笑猩猩貪東林法師非酒社攢眉入社吾何堪  
家貧不食檀公肉肯食劉家天子祿頽然徑醉卧坦腹  
笑爾阿弘來奉足

漉酒圖

明僧妙聲

棄官賦歸來田家酒初熟脫我頭上巾漉此杯中綠獨

漉復獨漉漉多酒還濁酒濁猶自可世濁多反覆桑枯  
柳亦衰但有松與菊田父晚相過相與話墟曲共醉茅  
簷下此生亦以足

淵明送酒圖

明  
張以寧

五柳門前柳葉衰南山佳氣滿東籬白衣人到黃花外  
正是先生送酒時

白衣送酒圖

明  
周禮

分田種秫釀新篘祇為無心見督郵若使白衣人不見

金瓶梅詞話卷三十七  
黃花孤負一年秋

淵明醉圖

明陶安

何勞一縣惱閒情  
五柳柴桑老此生  
每向黃花作沉酒  
寄奴已據石頭城

題淵明圖

元貢奎

若士超世流  
高風凌飛仙  
睠懷經濟術  
嗜酒豈自然  
去之千歲間  
才賢孰相先  
畏途轍皇皇  
歸歟袖翩翩  
日暮孤雲飛  
黃花澹秋妍  
坐憐王弘輩  
矯首南山巔

淵明臨流賦詩圖

元 王 惲

秋水門前有令姿先生非是好吟詩因觀逝者如斯說  
天運何嘗有息時

淵明高卧圖

元 程 鉅 夫

手撫高松石更奇披襟脫屣醉眠時壺中酒盡琴無軫  
說著羲皇總不知

淵明荷鋤圖

元 唐 肅

荒徑日自理手中三尺鋤何當去非種得似漢朱虛

淵明始末圖

元馬祖常

畫史謝文字託意有紛繪高人蹈古道終造玄澹會涉  
世情豈真采菊心若寄持酒每自慰翁也得奇計載觀  
始末圖悠悠似相契

陶潛夏居圖

徽宗筆杜  
亨甫家藏

三首

元

王惲

襟懷嘯傲羲皇上晉宋興亡筆削中千古此心誰會得  
颯然時有北窻風

吾廬瀟灑風煙外詩思扶疎樹影中典午廢來何所事



門前五柳自清風

庭樹交柯綠蔭濃欣然忘却草堂空更憐彼稷懷新處  
漠漠平疇遞遠風

題王弘邀淵明圖

明僧妙聲

江州刺史何為者載酒邀我廬山下乃翁在山不在酒  
邂逅寧辭為君寫遠公招之不肯留平生誰省王江州  
門前五柳至今在江邊桑樹水空流

淵明入社圖

元劉永之

空山樓觀遠蒼蒼  
路出深溪石磴長  
近瀑飛雲經樹溼  
穿花流水過橋香  
高僧喜識桺榔杖  
穉子歡迎薜荔裳  
入社幾時還  
入社松陰十里到柴桑

題蘇李合畫淵明濯足圖

金劉從益

天機本自足人事  
或相須東坡畫三昧  
迺與龍眠俱黃州  
富丘壑餘杭渺江湖  
已困口嘲弄更堪手糊塗  
其來本遊戲所到非功夫  
平生斜川翁尚友千載餘  
可聞不可見風標定何如  
笑倩李居士為予巧形模  
臨流想有

詩滄浪元非漁不入聲利場政恐吾足汙二公有深意  
百年留此圖不著色塵相澹然如遊天地初主人牢緘  
滕丹青有渝此不渝

三徑圖

元 袁 桷

遠舍山青流水新春風吹水綠勻勻意行已復支筇去  
從此何須問主人

題昱師房三笑圖

宋 李 覲

高僧不出院屏畫三笑圖客子倦遊者欲去復踟躕古

人骨朽不可追  
今人相見如古時  
人間觸事入吾笑  
何必門前有虎谿

三笑圖

元 王 惲

元聖開天一理融  
推心不外善為宗  
後人剛作無同論  
三子相逢笑殺儂

虎谿三笑圖

元 成廷珪

三老風流笑口開  
山中猿鶴亦驚猜  
攢眉入社謾多事  
送客過溪能幾迴  
僧影欲隨秋水去  
虎聲偏傍石橋來

東林絕響今千載撫卷題詩媿乏材

虎溪三笑圖

元黃鎮成

栗里先生不鼓琴偶邀明月到東林白雲滿地蒼苔溼  
流水一山春雨深歸路已忘言外意過橋誰識笑時心  
人間俯仰成陳迹傳得高風說到今

題李待詔虎溪三笑圖

元胡長孺

元亮纘孔業修靜研眇玄遠公學瞿曇高居著幽禪人  
異道豈殊萬散一固全目擊輒有得參會各踞然胡為

老緇褐笑舞喜欲顛謾道遺其身襟袖猶褊褊彼酣適  
酒趣尚不醒者傳族史浪自苦窺管恃知天

題虎溪三笑圖

元馬臻

無生一曲無人和石池水滿蓮花大揚眉瞬目喜津津  
不覺回頭虎溪過咄哉三士皆人豪醉醒不理柴桑陶  
傍人若問笑何事向渠指點廬山高

虎溪三笑圖

元釋祖栢

境緣心妄起心悟境自忘三老同一笑物我兩茫茫月

照清溪水風散白蓮香無端一笑已千古笑何長

題三笑圖

明 劉 崧

三人同笑不同心墨本流傳漫至今何似青蓮李居士  
猿啼月出過東林

題三笑圖

有序

明 王世貞

蘇子瞻題三笑圖不言為何人後人引以為虎溪故  
事而謂為陶靖節遠公陸修靜者或是宋元嘉初陸  
修靜非梁普通中陸修靜也吾嘗游東林寺其前一

小溝潺潺流一石橋踞界之僧指以為虎溪然太近  
恐非故虎溪也其面為香鑪峯蒼翠拂天此畫景不  
甚似而人頗古雅戲題一詩

遠公白蓮社鬱若人天師破戒飲陶令違誓過虎溪遠  
方一大笑陶意竟攢眉乃知病維摩不受彌勒窺何物  
陸道士千載亦傳疑

三笑圖

明僧古春

天子臨潯陽遠公不出山胡為過陶陸過溪開笑顏匡



廬高九疊峻絕不可攀畫圖寫遺像清風滿塵寰

蓮社圖

金  
宋九嘉

野鷺家雞俗好乖虎溪泉石滿塵埃壯哉砥柱顏波裏  
惟有淵明挽不來

蓮社圖

四首

元  
王惲

人間廬阜東南勝兩晉名流最賞音阿麟因之出新意  
秋香和月寫東林

莫怪淵明從遠公鬢絲禪榻偶相同談空說有知多少

都在龍眠意匠中

二教玄風盛永嘉後來諸子更紛拏淵明興在東籬菊  
獨泛秋香亦自佳

一誕相誇陷樂郊流傳江左到滔滔杖藜首見淵明去  
畫裏龍眠意最高

李龍眠蓮社圖

元  
吳師道

遠公廬山下手種玉色蓮清修香火社雜還山林賢龍  
眠弄筆墨貌出晉宋前橫橋虎溪水古木東林烟鬚眉

策遺老瓶罄趺枯禪石壇花雨落稽首西方仙休吟散  
梵帙風鑪薦寒泉矯矯靖節翁歸心赴斜川分手溪上  
笑攢眉社中緣淋漓酒巾籃輿搖醉眠止飲諒匪難  
恥受異教牽空山舊行跡寂寞餘千年竟令妄庸兒懾  
誘紛相傳陶翁我尚友掩卷心茫然

白蓮社圖

明  
陶安

儒墨殊科混雜居忘形擬作虎溪漁花開冰雪暑不到  
月在漣漪天自如座有名賢仍嗜酒門無時貴暫停車

東林此會何瀟灑可是丹青得緒餘

題李伯時蓮社圖

明  
李東陽

誰寫廬山十八賢白頭居士老龍眠藥囊經卷隨行杖  
知在香鑪瀑布前

廬山社圖

明  
陳繼儒

吾聞謝東山出入每扶掖四人挈衣裾三人捉坐席整  
騎廬山前遠公顧不憚何如籃輿翁肩頂風策策

張師夔畫謝家池塘

元  
張雨

春風颯然至幽人午夢醒遙見池塘綠不知春草生如  
何騎馬客亦向夢中行

御定歷代題畫詩類卷三十七